



Inatsisartunut ilaasortaq
Siverth K. Heilmann, Atassut
/Maani

Maniitsup eqqaani erngup nukinga pillugu § 37 naapertorlugu apeqquteqaammut nr. 51-imut akissut

Allakkat ulluat: 02-06-2021
Suliap nr.: 2019 - 21353

Asasara Siverth K. Heilmann

Postboks 1614
3900 Nuuk
Tlf. (+299) 34 50 00
E-mail: pan@nanoq.gl
www.naalakkersuisut.gl

Maniitsup eqqaani erngup nukinga pillugu Inatsisartut Suleriaasianni § 37 imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuunneqarput.

Apeqqut 1.

Maniitsup eqqaani Kangerluarsuup nunataani, erngup nukinganik nukissiorfiliortoqassappat ersarissumik paaserusunnarpoq, qanoq akeqassangatinneqarnersoq?

Akissut:

Maniitsup eqqaani illoqarfimmut qanittumi erngup nukinganit periarfissaqarfiit, kisimiitillugit imaluunniit ataqatigiissillugit atorluarneqarsinnaasut, marluupput. Nukissiorfiit C-overslag suliaraat, tassani aaqqiissutissat arlaat toqqarneqassanersoq apeqqutaalluni, sanaartornermut aningaasartuutissat 490-620 mio. koruunit akornanniittussatut missingersorneqarlutik.

Najoqqutassat pigineqartut neqeroortitsinissamut tunngavigineqarsinnaanngitsut, aammalu suliassap Qasigianguani aamma Aasianni pilersuinissamut erngup nukinganut suliassatuulli killiffeqalernissaanut annertunerusunik misissueqqaarnernik il.il. suliartoqartussaammat, Nukissiorfiit eqqumaffigeqquaa. Missiliorneqarpoq taamaattoqassappat naatsorsuinerit ingerlannissaat ukiut 2-6 akornanni sivilissuseqassasoq.

Apeqqut 2.

Maniitsumi pilersinneqassappat nukimmik (GWh) qanoq annertutigisumik ukiumut pilersitsisinnaassava?

Akissut:

Nukissiorfiit paasissutissiippat, periarfissaqarfiusup siulliup (taagorneqartoq ”alleq”) ukiumut kuunera 20 GWh/ukiumut nalilerneqartoq, misissueqqaarnerit kingullit takutikkaat. Periarfissaqarfiit aappaa (taagorneqartoq ”qulleq”) 20 GWh/ukiumut nalilerneqarpoq. Periarfissaqarfiit ataqatigiissinneqarsinnaapput aammalu 12,5 MW-inik turbine-qartoq 2,3 MW-inik turbine-limmut ataqatigiissillugu 50 GWh/ukiumut tunisassiornissaa missiliorneqartoq

anguneqarsinnaalluni. Taamaattoq periarfissaqarfiit eqqortumik takutinnissaannut imermi uuttortaanerit annertunerusut pisariaqartinneqarput.

Apeqqu 3.

Qasigiannuguit eqqaani Aasiaat ilanngullugu erngup nukinganik nukissiorfiliortoqarniarnera nukimmik (GWh) qanoq annertutigisumik ukiumut pilersitsisinaanissaa naatsersuutigineqarpa?

Akissut:

Qasigiannuguit aamma Aasiaat pilersorneqarnissaannut Kuussuup Tasiani erngup nukinganit periarfissaqarfiit maannakkut atugassiinissamut siunnersuummi 15-21 MW-inik pinsinnaasaqartussatut pilersaarusioneqarpoq. Periarfissaqarfiusoq Kuussuup Tasia 94 GWh/ukiumut pilersuisinnaasutut nalilerneqarpoq.

Erngup nukinganik nukissiorfiup dieseli 7,6 mio. literi atortissanngilaa. Tamanna isumaqarpoq erngup nukingata Nukissiorfiit maannakkut innaallagamik kiassarnermillu tunisartagai kiisalu kiassarnerup ullumikkut illoqarfinni marlunni taakkunani nammineq uuliatortumik kiassaatineersup 80 procentiata missaa matussusersinnaagaa.

Apeqqu 4.

Qasigiannuguit Aasiannilu sanaartorneq siulliunneqassappat sanaartornermut aningaasartuutit ukiuni qanoq amerlatigisuni taarsersorneqassappat imaluunniit qaqugu imminut akilissava?

Akissut:

Qasigiannugani aamma Aasianni erngup nukinganik nukissiorfiliornissamut piffissamut utertitsilluni akilersuiffiusussamut naatsorsuinerit pigineqanngillat, tassani tamatumunnga taarsigassarsianut, taamaattoqassappat taarsigassarsiarineqartussanut, piumasaqaataasut kiisalu innaallagamut kiassarnermullu akigitat apeqquataasussaammata.

Paasissutissiissutigineqarsinnaavoq, suliassamut tunngatillugu ukiut 30-t ingerlaneranni 441 millioner koruuninik sinneqartooruteqarfiusussaasoq, ingerlatsinermut aningaasaqarnermut misissueqqissaarnerup takutikkaa. Nukissiorfiup teknikkikkut atuuffissaa ukiunut 80-nut nalilerneqarpoq.

Apeqqu 5.

Maniitsumi sanaartorneq siulliunneqassappat sanaartornermut aningaasartuutit ukiuni qanoq amerlatigisuni taarsersorneqassappat imaluunniit qaqugu imminut akilissava?

Akissut:

Suliassap inuiaqatigiinnut imaluunniit ingerlatsinermi aningaasaqarnermut sunniutissaannik nalilersuisoqanngilaq. Naatsorsuinerit suliarineqarnissaannut maannakkorpiaq paasissutissat naammannngillat.

Apeqquut 6.

**Maniitsumi imaluunniit Qasigiannugit Aasiannilu nukik (GWh)
pilersissinnaasaat sanaartornermilu aningaarsartuutissat tamarmiusut
eqqarsaatigalugit, sumi sanaartorneqarpat nunatta aningaasaqarneranut
pitsaanerpaassava?**

Akissut:

Apeqqummik akissutaasinnaasumik maannakkorpiaq
naatsorsuisoqarsimanngilaq.

Inussiarnersumik inuulluaqqusillunga

Kalistat Lund